

六甲天元氣運鈴

二

六甲天元氣運鈐下

己卯歲

己酉歲

上陽明金 中少宮土運 下少陰火

其化上苦小溫 中甘和 下鹹寒所謂歲主藥

食宜也 寒化 雨化勝復同 邪氣化度也

災五宮 清化九 雨化五 熱化七正化度也

風涼勝復同 其運雨風涼

少宮 太商 少羽終 少角初 太徵

己卯己酉年南政之歲歲當陰在尺脉而反見於寸歲當陽在寸脉反見於尺尺寸俱乃謂反者死

運氣下

若尺獨然或寸獨然是謂不應氣非反也

初之氣 凡起己卯己酉年初之氣自戊寅年大

寒中二氣日亥時初之一刻交入己卯年初之氣分

凡起己酉年初之氣自戊申年十二月大寒中二氣日巳時初之一刻交入己酉年初之氣分准此 各終六十日

而餘八十七刻半至春分前六十日而有奇

自斗建丑至卯正之中木之位風之分也初之氣

也 天度至此風氣乃行天地神明號令之始也

天之使也天氣加臨 歲太陰居之為風雨凝陰

不散初之氣地氣遷陰始凝氣始肅水迺冰寒雨化

其病中熱脹面目浮腫善眠軌衄嚏欠嘔小便黃



赤甚則淋太陰之化 歲太陰所在其脉沈

沈下也按之乃得下諸位脉也沈甚則病不沈亦

病不當其位亦病位不能沈亦病 木位之主

其寫以酸 其補以辛 太陰之客 以甘補之

以苦寫之 以甘緩之 土運以甘和之

二之氣

春分中氣日酉時之中四刻交入二之

氣分終六十日而餘八十七刻半至小滿前六十

日而有奇 自斗建卯正至巳之中二之氣君之

位謂少陰執之分也 天度至此暄淑大行居熱

之分不行炎暑者君之德也 歲少陽居之為僭逆

運氣一

二

均

大熱時行疫癘乃生 二之氣陽迺布民迺舒

物迺生榮癘疾大至民善暴死臣居君位故爾

歲少陽所在其脉大而浮浮高也大謂稍大諸位

脉也大浮甚則病浮而不大亦病大而不浮亦病

不大不浮亦病不當其位亦病位不能浮大亦病

火位之主 其寫以甘 其補以酸 少陽之客

以醎補之 以甘寫之 以醎奠之 土運以甘

三之氣

小滿中氣日申時初之一刻交入三之

氣分終六十日而餘八十七刻半至大暑前六十

日而有奇 自斗建巳正至未之中三之氣分相
火之位也夏至前後各三十日也少陽之分也
天度至此炎熱大行 歲陽明居之為涼氣間發
三之氣天政布涼迺行燥熱交合燥極而澤民病
寒熱寒熱瘧也 陽明所在其脉短而濇往來不
利是謂濇也往來不遠是謂短也短甚則病濇甚
則病不短不濇亦病不當其位亦病位不能短濇
亦病 火位之主 其寫以甘 其補以酸
陽明之客 以酸補之 以辛寫之 以苦泄之
土運以甘和之

運氣下

三

四之氣

大暑中氣日午時之中四刻交入四之
氣分終六十日而餘八十七刻半至秋分前六十
日而有奇 自斗建未正至酉之中土氣治之兩
之分也 天度至此雲雨大行濕蒸乃作 歲太
陽居之為寒雨害物 四之氣寒雨降病暴仆振
慄譫妄少氣嗌乾引飲及為心痛癰腫瘡瘍瘧寒
疾骨痠血便骨痠無力也 歲太陽所在其脉大
而長往來遠是謂長大甚則病長甚則病長而不
大亦病大而不長亦病不當其位亦病位不能長
大亦病 土位之主 其寫以苦 其補以甘

太陽之客 以苦補之 以鹹寫之 以苦堅之
以辛潤之 土運以甘和之

五之氣

秋分中氣日巳時初之一刻交入五之
氣分終六十日而餘八十七刻半至小雪前六十
日而有奇 自斗建酉正至亥之中五之氣分金
氣治之燥之分也 天度至此萬物皆燥 歲厥
陰居之為涼風大行雨生介蟲 五之氣春令反
行草廼生榮民氣和 厥陰所在其脉弦實虛而
滑端直以長是謂弦實而強則病不實而微亦病
不端直長亦病不當其位亦病位不能弦亦病

運氣下

四

可

金位之主 其寫以辛 其補以酸 厥陰之客
以辛補之 以酸寫之 以甘緩之 土運以甘
和之

六之氣

小雪中氣日卯時之中四刻交入六之
氣分終六十日而餘八十七刻半至大寒前六十
日而有奇 自斗建亥正至丑之中終盡六之氣水
氣治之寒之分也 天度至此寒氣大行 歲少
陰司地居之則執蟄蟲出見流水不冰 終之氣陽
氣布候反溫蟄蟲來見流水不冰民乃康平其病
溫君火之化也 歲少陰所在其脉鉤來盛去衰

如偃帶鉤是謂鉤來不盛去反盛則病來盛去盛亦病來不盛去不盛亦病不偃帶鉤亦病不當其位亦病位不能鉤亦病 水位之主 其寫以醜其補以苦 少陰之客 以醜補之 以甘寫之以醜收之 土運以甘和之

庚辰歲

庚戌歲

上太陽水 中太商金運 下太陰土

其化上苦熱 中辛溫 下甘熱所謂歲主藥食宜也 寒化一 清化九 雨化五正化度也

其運涼 其化霧露蕭飈其變肅殺凋零

運氣下

五

余大

其病燥背脊骨滿

太商 少羽終 少角初大徵 少宮

庚辰庚戌年北政之歲歲當陰在左脉而反見於右歲當陽在右脉而反見於左左右交見是謂交者死若左獨然或右獨然者是謂不應氣非交也

初之氣

凡起庚辰庚戌年初之氣自己卯年大

寒中氣日寅時初之一刻交入庚辰年初之氣分

凡起庚戌年初之氣自己酉年大寒中氣日申時初之一刻交入庚戌年初之氣分准此各終六十日而

餘八十七刻半至春分前六十日而有奇 自斗

建丑至卯正之中木之位風之分也初之氣也

天度至此風氣乃行天地神明號令之始也天之使也天氣加臨 歲少陽居之為溫疫至 初之氣地氣遷氣迺大溫畏火致之草迺早榮民迺癘溫病迺作身熱頭痛嘔吐肌腠瘡瘍赤班也是為膚腠中瘡在皮內也 歲少陽所在其脉大而浮浮高也大謂稍大諸位脉也大浮甚則病浮而不大亦病大而不浮亦病不大不浮亦病不當其位亦病位不能浮大亦病 木位之主 其寫以酸其補以辛 少陽之客 以醎補之 以甘寫之以醎突之 金運以辛溫和之

運氣下

六

六

二之氣

春分中氣日子時之中四刻交入二之氣分終 六十日而餘八十七刻半至小滿前六十日而有奇 自斗建卯正至巳之中二之氣君之位謂少陰熱之分也 天度至此暄淑大行居熱之分不行炎暑君之德也 歲陽明居之為溫涼不時 二之氣大涼反至民迺慘草迺遇寒火氣遂抑民病氣鬱中滿寒迺始自涼而又之於寒氣故寒氣始來近人也 歲陽明所在其脉短而瀉往來不利是謂瀉也往來不遠是謂短也短甚則病瀉其則病不短不瀉亦病不當其位亦病位不

能短濇亦病

火位之主 其寫以甘 其補以酸 陽明之客
以酸補之 以辛寫之 以苦泄之 金運以辛
溫和之

三之氣

小滿中氣日亥時初之一刻交入三之
氣分終六十日而餘八十七刻半至大暑前六十
日而有奇 自斗建巳正至未之中三之氣分相
火之位也夏至前後各三十日少陽之分火之位
也 天度至此炎熱大行 歲太陽居之為寒氣
間至熱爭冰雹 三之氣天政布寒氣行雨廼降

運氣一

十

李

民病寒反熱中癰疽注下心熱瞖悶不治者死當
極反熱是反天常熱起於心則神之危極不急扶
救神必消亡故治者生不治者死 歲太陽所在
其脉大而長往來遠是謂長大甚則病長甚則病
長而不大亦病大而不長亦病不當其位亦病位
不能長大亦病 火位之主 其寫以甘

其補以酸 太陽之客 以苦補之 以酸寫之
以苦堅之 以辛潤之 金運以辛溫和之

四之氣

大暑中氣日酉時之中四刻交入四之
氣分終六十日而餘八十七刻半至秋分前六十

日而有奇 自斗建未正至酉之中土氣治之雨之分也 天度至此雲雨大行濕蒸乃作

歲厥陰居之為暴風雨摧拉雨生裸蟲 四之氣風濕交爭風化為雨迺長迺化迺成民病大熱少氣肌肉萎足痿注下赤白 歲厥陰所在其脉弦栗虛而滑端直以長是謂弦實而強則病不實而微亦病不端直長亦病不當其位亦病位不能弦亦病 土位之主 其寫以苦 其補以甘 厥陰之客 以辛補之 以酸寫之 以甘緩之 金運以辛溫和之

運氣下

八

李

五之氣

秋分中氣日申時初之一刻交入五之氣分終六十日而餘八十七刻半至小雪前六十日而有奇 自斗建酉正至亥之中五之氣分金氣治之燥之分也 天度至此萬物皆燥 歲少陰居之為秋濕熱病時行 五之氣陽復草迺長迺化迺成民迺舒大火臨御故萬物舒榮 少陰所在其脉鉤來盛去衰如偃帶鉤是謂鉤來不盛去反盛則病來盛去盛亦病來不盛去不盛亦病不偃帶鉤亦病不當其位亦病位不能鉤亦病 金位之主 其寫以辛 其補以酸 少陰之客

以醜補之 以甘寫之 以醜收之 金運以辛
溫和之

六之氣

小雪中氣日午時之中四刻交入六之
氣分終六十日而餘八十七刻半至大寒前六十
日而有奇 自斗建亥正至丑之中終盡六之氣
水氣治之寒之分也 天度至此寒氣大行

歲太陰司地居之為凝陰寒雪地氣濕也 終之
氣地氣正濕今行陰凝太虛埃昏郊野民廼慘悽
寒風以至反者孕廼死故歲宜苦以燥之溫之必
折其鬱氣先資其化源化源為九月迎而取之以

運氣下

九

張石

補心火 太陰所在其脈沈沈下也按之乃得下
諸位脈也沈甚則病不沈亦病不當其位亦病位
不能沈亦病 水位之主 其寫以醜

其補以苦 太陰之客 以甘補之 以苦寫之
以甘緩之 金運以辛溫和之

辛巳歲

辛亥歲

上厥陰木 中少羽水運 下少陽火 其化上

辛涼 中苦和 下醜寒所謂歲主藥食宜也

雨化 風化勝復同 邪氣化度也 災一宮

風化三 寒化一 火化七 正化度也

雨風勝復同 其運寒雨風

少羽 終 少角 初 大徵 少宮 太商

辛巳辛亥年北政之歲歲當陰在右脉而反見於左歲當陽在左脉而反見於右左右交見是謂交者死若左獨然或右獨然是謂不應氣非反也

初之氣 凡起辛巳辛亥年初之氣自庚辰年大

寒中氣日巳時初之一刻交入辛巳年初之氣分

凡起辛亥年初之氣自庚戌年大寒中氣日亥時初之一刻交入辛亥年初之氣分推此各終六十日而

餘八十七刻半至春分前六十日而有奇 自斗

建丑至卯正之中木之位風之分也 初之氣也

運氣下

天度至此風氣乃行天地神明號令之始也

天之使也天氣加臨 歲陽明居之為清風霧露

矇昧 初之氣寒始肅殺氣方至民病寒於右之

下 歲陽明所在其脉短而濇往來不利是謂濇

也往來不遠是謂短也短甚則病濇甚則病不短

不濇亦病不當其位亦病位不能短濇亦病

木位之主 其寫以酸 其補以辛 陽明之客

以苦補之 以鹹寫之 以苦堅之 以辛潤之

水運以苦和之

二之氣 春分中氣日卯時之中四刻交入二之

孫右

氣分終六十日而餘八十七刻半至小滿前六十日而有奇 自斗建卯正至巳之中二之氣君之位謂少陰熱之分也 天度至此暄淑大行居熱之分不行炎暑君之德也 歲太陽居之為寒風切冽霜雪水冰 二之氣寒不去華雪水冰殺氣施化霜迺降名草上焦寒雨數至陽復化民病熱於中 歲太陰所在其脉大而長往來遠是謂長大甚則病長甚則病長而不大亦病大而不長亦病不當其位亦病位不能長大亦病 火位之主其寫以甘 其補以醎 太陽之客 以苦補之 以醎寫之 以苦堅之 以辛潤之 水運以苦和之

運氣下

十一

卷四

三之氣

小滿中氣日寅時初之一刻交入三之氣分終六十日而餘八十七刻半至大暑前六十日而有奇 自斗建巳正至未之中三之氣分相火之位也 天度至此炎熱大行 歲厥陰居之為風熱大行雨化羽蟲 三之氣天政布風迺時舉民病泣出耳鳴掉眩 歲厥陰所在其脉弦更虛而滑端直以長是謂弦實而強則病不實而微亦病不端直長亦病不當其位亦病位不能弦亦病

火位之主 其寫以甘 其補以鹹 厥陰之客
以辛補之 以酸寫之 以甘緩之 水運以苦
和之

四之氣

大暑中氣日子時之中四刻交入四之
氣分終六十日而餘八十七刻半至秋分前六十
日而有奇 自斗建未正至酉之中土氣治之雨
之分也 天度至此雲雨大行濕蒸乃作 歲少
陰居之為寒熱氣反用山澤浮雲暴雨溽蒸
四之氣溽暑濕熱相薄爭於左之上民病黃瘡而
為肘腫 歲少陰所在其脉鉤來盛去衰如偃帶

運氣下

二

卷一百一

鉤是謂鉤來不盛去反盛則病來盛去盛亦病來
不盛去不盛亦病不偃帶鉤亦病不當其位亦病
位不能鉤亦病 土位之主 其寫以苦
其補以甘 少陰之客 以鹹補之 以甘寫之
以鹹收之 水運以苦和之

五之氣

秋分中氣日亥時初之一刻交入五之
氣分終六十日而餘八十七刻半至小雪前六十
日而有奇 自斗建酉正至亥之中五之氣分金
氣治之燥之分也 天度至此萬物皆燥 歲太
陰居之為時雨沈陰 五之氣燥濕更勝沈陰迺

布寒氣及體風雨廼行 歲太陰所在其脉沈沈下也按之乃得下諸位脉也沈甚則病不沈亦病不當其位亦病位不能沈亦病 金位之主

其寫以辛 其補以酸 太陰之客 以甘補之 以苦寫之 以甘緩之 水運以苦和之

六之氣

小雪中氣日酉時之中四刻交入六之氣分終六十日而餘八十七刻半至大寒前六十日而有奇 自斗建亥正至丑之中終盡六之氣水氣治之寒之分也 天度至此寒氣大行 歲少陽司地居之為冬温蟄蟲不藏流水不冰

運氣

一三

江

終之氣畏火司令陽廼大化蟄蟲出見流水不冰地氣大發草廼生人廼舒其病温癘必折其鬱氣資其化源化源四月迎而取之 歲少陽所在其脉大而浮浮高也大謂稍大諸位脉也大浮甚則病浮而不大亦病大而不浮亦病不大不浮亦病不當其位亦病位不能大浮亦病 水位之主 其寫以醎 其補以苦 少陽之客 以醎補之 以甘寫之 以醎奠之 水運以苦和之

壬午歲

壬子歲

上少陰火 中太角木運 下陽明金

其化上鹹寒 中酸涼 下酸溫 所謂歲主藥食
宜也 熱化二 風化八 清化四 正化度也
其運風鼓 其化鳴素啓折 其變振拉摧拔
其病支滿

大角

初正

少徵

太宮

少商

太羽終

壬子壬午歲北政之歲歲當陰在尺脉反見於寸
歲當陽在寸脉而反見於尺尺寸俱乃謂反者死
若尺獨然或寸獨然是謂不應氣非反也

初之氣

凡起壬午壬子年年初之氣自辛巳年大
寒中氣日申時初之一刻交入壬午年年初之氣分

運氣下

十四

清

凡起壬子年年初之氣自辛亥年大寒中氣日
寅時初之一刻交入壬子年年初之氣分准此 又終六十日而

餘八十七刻半至春分前六十日而有奇 自斗
建丑正至卯之中木之位風之分也 初之氣也

天度至此風氣乃行天地神明號令之始也天之
使也天氣加臨 太陽居之為寒風切冽霜雪水

冰 初之氣地氣遷燥將去寒迺始蟄復藏水迺
冰霜復降風迺行陽氣鬱民反周密關節禁固腰

肱痛炎暑將起中外瘡瘍 太陽所在其脉大而
長往來遠是謂長大甚則病長甚則病長而不大

亦病大而不長亦病不當其位亦病位不能大長

亦病 木位之主 其寫以酸 其補以辛

太陽之客 以苦補之 以酸寫之 以苦堅之

以辛潤之 木運以酸涼和之

二之氣 春分中氣日午時之中四刻交入二之

氣分終六十日而餘八十七刻半至小滿前六十

日而有奇 自斗建卯正至巳之中二之氣君之

位謂少陰熱之分也 天度至此暄淑大行居熱

之分不行火暑君之德也 歲厥陰居之為風濕雨

化羽蟲 二之氣陽氣布風迺行 春氣以正萬

物應榮寒氣時至民迺和其病淋目瞑目赤氣鬱

運氣

十五

余六

於上而熱 厥陰所在其脉弦實而滑端直以

長是謂弦實而強則病不實而微亦病不端直長

亦病不當其位亦病位不能弦亦病 火位之主

其寫以甘 其補以酸 厥陰之客 以辛補之

以酸寫之 以甘緩之 木運以酸涼和之

三之氣 小滿中氣日巳時初之一刻交入三之

氣分終六十日而餘八十七刻半至大暑前六十

日而有奇 自斗建巳正至未之中三之氣分相

火之位也夏至前後各二十日也少陽之分火之位

也 天度至此炎熱大行 歲少陰居之大暑亢

民病熱 三之氣天政布大火行庶類蕃鮮寒氣
時至民病氣癩心痛寒熱更作欬喘目赤 少陰
所在其脉鉤來盛去衰如偃帶鉤是謂鉤來不盛
去反盛則病來盛去盛亦病來不盛去不盛亦病
不偃帶鉤亦病不當其位亦病位不能鉤亦病
火位之主 其寫以甘 其補以醎 少陰之客
以醎補之 以甘寫之 以醎收之 火運以酸
涼和之

四之氣

大暑中氣日卯時之中四刻交入四之

氣分終六十日而餘八十七刻半至秋分前六十

運氣一

一六

五十一

日而有音 自斗建未正至酉之中土氣治之雨
之分也 天度至此雲雨大行濕蒸乃作 歲太
陰居之為雨露霑 四之氣溽暑至大雨時行寒
熱手至民病寒熱益乾黃瘠飢飢飲發 大陰所
在其脉沈沈下也按之乃得下諸位脉也沈甚則
病不沈亦病不當其位亦病位不能沈亦病
土位之主 其寫以苦 其補以甘 太陰之客
以甘補之 以苦寫之 以甘緩之 木運以酸
涼和之

五之氣

秋分中氣日寅時初之一刻交入五之

氣分終六十日而餘八十七刻半至小滿前六十日而有奇 自斗建酉正至亥之中五之氣分金氣治之燥之分也 天度至此萬物皆燥 歲少陽居之爲溫清更政萬物乃榮 五之氣畏火臨暑反至陽迺化萬物迺生迺長榮民迺康其病溫少陽所在其脉大而浮浮高也大謂稍大諸位脉也大浮甚則病浮而不大亦病大而不浮亦病不大不浮亦病不當其位亦病位不能大浮亦病金位之主 其寫以辛 其補以酸 少陽之客以醎補之 以甘寫之 以醎奠之 木運以酸

運氣下

十七

正

涼和之

六之氣

小雪中氣日子時之中四刻交入六之

氣分終六十日而餘八十七刻半至大寒前六十日而有奇 自斗建亥正至丑之中終盡六之氣水氣治之寒之分也 天度至此寒氣大行

歲陽明司地居之爲燥寒勁切 終之氣燥令行餘火內格腫於上飲喘甚則血溢寒氣數舉則霧濛醫病生皮膚內舍於脇下連少腹而作寒中地將易也氣終則遷何可長也 歲陽明所在其脉短而濇往來不利是謂濇也往來不遠是謂短也

短甚則病瀆甚則病不短不瀆亦病不當其位亦
病位不能短瀆亦病 水位之主 其寫以醜
其補以苦 陽明之客 以酸補之 以辛寫之
以苦油之 木運以酸涼和之

癸未歲

癸丑歲

上太陰土 中少徵火運 下太陽水

其化上苦溫 中醜溫 下甘熱所謂歲主藥食

宜也 寒化 雨化勝復同 邪氣化度也

災九宮 寒雨勝復同 其運熱寒雨

少徵 太宮 少商 太羽 太角 初

運氣下

十八

正

癸未癸丑年北政之歲歲當陰在右脉而反見於
左歲當陽在左脉而反見於右左右交見是謂交
者死若左獨然或右獨然是謂不應氣非反也

初之氣

凡起癸未癸丑年初之氣自壬午年大

寒中氣日亥時初之一刻交入癸未年初之氣起

癸丑年年初之氣自壬子年大寒中氣日巳
時初之一刻交入癸丑年初之氣分准此各終六十日而餘

八十七刻半至春分前六十日而有奇 自斗建

丑至卯正之中木之位風之分也初之氣也

天度至此風氣乃行天地神明號令之始也天之

使也天氣加臨 厥陰居之為大風發榮雨生毛

蟲 初之氣地氣遷寒迺去春氣正風迺來布萬物以榮民氣條舒風濕相薄雨迺後民病血溢筋絡拘強關節不利身重筋痠 厥陰所在其脉弦實虛而滑端直以長是謂弦實而強則病不實而微亦病不端直長亦病不當其位亦病位不能弦亦病木位之主 其寫以酸 其補以辛 厥陰之客以辛補之 以酸寫之 以甘緩之 火運以醎溫和之

二之氣

春分中氣日酉時之中四刻交入二之氣分終六十日而餘八十七刻半至小滿前六十

道氣下

一九

施

日而有奇 自斗建郊正至巳之中二之氣君之位謂少陰熱之分也 天度至此暄淑大行居熱之分不行炎暑君之德也 歲少陰居之為天下疵疫以其得位君令宣行故也 二之氣大火正物承化民迺和其病溫癘大行遠近咸若濕蒸相薄雨迺時降應順天常不僣時候謂之時雨 少陰所在其脉鉤來盛去衰如偃帶鉤是謂鉤來不盛去反盛則病來盛去盛亦病來不盛去不盛亦病不偃帶鉤亦病不當其位亦病位不能鉤亦病火位之主 其寫以甘 其補以醎 少陰之客

以醎補之 以甘寫之 以醎收之 火運以醎
溫和之

三之氣

小滿中氣日申時初之一刻交入三之
氣分終六十日而餘八十七刻半至大暑前六十
日而有奇 自斗建巳正至未之中三之氣分相
火之位也夏至前後各三十日也少陽之分火之
位也 天度至此炎熱大行 太陰居之為雲雨
雷雹 三之氣天政布濕氣降地氣騰雨迺時降
寒迺隨之感於寒濕則民病身重胛腫胃腹滿
太陰所在其脉沈沈下也按之乃得下諸位脉也

運氣下

二十

光

沈甚則病不沈亦病不當其位亦病位不能沈亦病
火位之主 其寫以甘 其補以醎 太陰之客
以甘補之 以苦寫之 以甘緩之 火運以醎
溫和之

四之氣

大暑中氣日午時之中四刻交入四之
氣分終六十日而餘八十七刻半至秋分前六十
日而有奇 自斗建未正至酉之中土氣治之雨
之分也 天度至此雲雨大行濕蒸乃作 少陽
居之為炎熱沸騰雲雨雷雹 四之氣畏火臨溽
蒸化地氣騰天氣否膈寒風曉暮蒸熱相薄草木

凝煙濕化不流則白露陰布以成秋令萬物得之
以成民病腠理熱血暴溢瘧心腹滿熱臚脹甚則
肘腫 少陽所在其脉大而浮浮高也大謂稍大
諸位脉也大浮甚則病浮而不大亦病大而不浮
亦病不大不浮亦病不當其位亦病位不能大浮
亦病 土位之主 其寫以苦 其補以甘
少陽之客 以醎補之 以甘寫之 以醎栗之
火運以醎溫和之

五之氣

秋分中氣日巳時初之一刻交入五之
氣分終六十日而餘八十七刻半至小雪前六十

運氣下

二十一

日而有奇 自斗建酉正至亥之中五之氣分金
氣治之燥之分也 天度至此萬物皆燥 歲陽
明居之為大涼燥疾 五之氣慘令巳行寒露下
霜迺早降草木黃落寒氣及體君子周密民病皮
腠 陽明所在其脉短而濇往來不利是謂濇也
往來不遠是謂短也短甚則病濇甚則病不短不
濇亦病不當其位亦病位不能短濇亦病
金位之主 其寫以辛 其補以酸 陽明之客
以酸補之 以辛寫之 以苦泄之 火運以醎
溫和之

六之氣

小雪中氣日卯時之中四刻交入六之

氣分終六十日而餘八十七刻半至大寒前六十

日而有奇 自斗建亥正至丑之中終盡六之氣

水氣治之寒之分也 天度至此寒氣大行

歲太陽司地居之為大寒凝冽 終之氣寒大舉

濕大化霜迺積陰迺凝水堅冰陽光不治感於寒

則病人關節禁固腰膝痛寒濕持於氣交而為病

也必折鬱氣而取化源九月化源迎而取之以補

益也 太陽所在其脉大而長往來遠是謂長大

甚則病長甚則病長而不大亦病大而不長亦病

運氣下

二十二

可

不當其位亦病位不能長大亦病 水位之主

其寫以醜 其補以苦 太陽之客 以苦補之

以醜寫之 以苦堅之 以辛潤之 火運以醜

溫和之

甲申歲

甲寅歲

上少陽相火 中太宮土運 下厥陰木

其化上醜寒 中醜和 下辛涼所謂歲主藥食

宜也 火化二 雨化五 風化八 正化度也

其運陰雨 其化柔潤重澤 其變震驚飄驟

其病體重肘腫痞飲

太宮 少宮 太羽 終 太角 初 少徵

甲申甲寅年南政之歲歲當陰在左脉而反見於右歲當陽在右脉而辰見於左左右交見是謂交者死若左獨然或右獨然是謂不應氣非反也

初之氣

凡起甲申甲寅年初之氣自癸未年大寒中氣日寅時初之一刻交入甲申年初之氣分

凡起甲寅年初之氣自癸丑年大寒中氣日申時初之一刻交入甲寅年初之氣分准此各終六十日而

餘八十七刻半至春分前六十日而有奇 自斗

建丑正至卯正之中木之位風之分 初之氣也

天度至此風氣乃行天地神明號令之始也天之

運氣一

二十三

庚

使也天氣加臨 歲少陰居之為熱風傷人時氣

流行 初之氣地氣遷風勝迺搖寒乃去候乃大

溫草木早榮寒來不殺溫病迺起其病氣拂於上

血溢目赤欬逆頭痛血崩脇滿膚腠中瘡 歲少

陰所在其脉鉤來盛去衰如偃帶鉤是謂鉤來不

盛去反盛則病來盛去盛亦病來不盛去不盛亦

病不偃帶鉤亦病不當其位亦病位不能鉤亦病

木位之主 其寫以酸 其補以辛 少陰之客

以醎補之 以甘寫之 以醎收之 土運以醎

和之

二之氣

春分中氣日子時之中四刻交入二之

氣分終六十日而餘八十七刻半至小滿前六十日而有奇 自斗建卯正至巳之中二之氣君之位謂少陰熱之分也 天度至此暄淑大行居熱之分不行炎暑君之德也 歲太陰居之為時雨二之氣火反鬱入陰分故爾白埃四起雲趨雨府風不勝濕雨迺零民迺康其病熱鬱於上欬逆嘔吐瘡發於中胃噎不利頭痛身熱昏憤膿瘡 歲太陰所在其脉沈沈下也按之乃得下諸位脉也沈甚則病不沈亦病不當其位亦病位不能沈

運氣下

二四

庚

亦病

火位之主

其寫以甘

其補以醜

太陰之客

以甘補之

以苦寫之

以甘緩之

土運以醜和之

三之氣

小滿中氣日亥時初之一刻交入三之

氣分終六十日而餘八十七刻半至大暑前六十日而有奇 自斗建巳正至未之中三之氣分相火之位也夏至前後各三十日也少陽之分火之位也 天度至此炎熱大行少陽居之為暴熱至草萎河乾炎亢濕化晚布 三之氣天政布炎旱至少陽臨上雨迺涯民病熱中聾瞑血溢膿瘡欬嘔

軌衄嚏欠喉痺日赤善暴死 歲少陽所在其脉
大而浮浮高也大謂稍大諸位脉也大浮甚則病
浮而不大亦病大而不浮亦病不大不浮亦病不
當其位亦病位不能大浮亦病 火位之主
其寫以甘 其補以酸 少陽之客 以酸補之
以甘寫之 以醎熯之 土運以醎和之

四之氣

大暑中氣日酉時之中四刻交入四之
氣分終六十日而餘八十七刻半至秋分前六十
日而有奇 自斗建未正至酉之中土氣治之雨
之分也 天度至此雲雨大行濕蒸乃作 歲陽

運氣下

二二五

五五

明居之為清雨露 四之氣涼迺至炎暑間化
白露降民氣和平其病滿重 歲陽明所在其脉
短而濇往來不利是謂濇也往來不遠是謂短也
短甚則病濇甚則病不短不濇亦病不當其位亦
病位不能短濇亦病 土位之主 其寫以苦
其補以甘 陽明之客 以酸補之 以辛寫之
以苦泄之 土運以醎和之

五之氣

秋分中氣日申時初之一刻交入五之
氣分終六十日而餘八十七刻半至小雪前六十
日而有奇 自斗建酉正至亥之中五之氣分金

氣治之燥之分也 天度至此萬物皆燥 歲太
陽居之爲早寒 五之氣陽迺去寒迺來雨迺降
氣門迺閉剛木早凋民避寒邪君子周密 太陽
所在其脉大而長往來遠是謂長大甚則病長而
不大亦病大而長亦病不當其位亦病位不能
長大亦病 金位之主 其寫以辛 其補以酸
太陽之客 以苦補之 以醎寫之 以苦堅之
以辛潤之 土運以醎和之

六之氣

小雪中氣日午時之中四刻交入六之
氣分終六十日而餘八十七刻半至大寒前六十

運氣下

二一六

孫石

日而有奇 自斗建亥正至丑之中終盡六之氣

水氣治之寒之分也 天度至此寒氣大行

歲厥陰司地居之爲寒風飄揚雨生鱗蟲 終之

氣地氣正風迺至萬物反生矇霧以行其病閉閉

不禁心痛陽氣不藏而欬逆抑其運氣贊所不勝

必折其鬱氣先取化源化源年之前十二月迎而

取之以補益之 厥陰所在其脉弦實而滑端

直以長是謂弦實而強則病不實而微亦病不端

直長亦病不當其位亦病位不能弦亦病

水位之主 其寫以醎 其補以苦 厥陰之客

以辛補之 以酸寫之 以甘緩之 土運以醎和之

乙酉歲歲會太一天符 乙卯歲天符

上陽明金 中少商金 下少陰火 其化上苦

小溫 中苦和 下鹹寒 所謂歲主藥食宜也

熱化 寒化勝復同 邪氣化度也 災七宮

燥化四 清化四 熱化二 正化度也 熱寒

勝復同 正商 其運涼熱寒

少商 太羽終 太角初 少徵 太宮

乙酉年命曰太一天符之會 一曰天會 二曰歲會

運氣下

二十七

三十一

三曰運會 太一天符為貴人 邪中之也 奈何其病暴而死 義無凌犯 故病則暴而死 乙卯歲乙金 運陽明司天 亦屬金 故曰天符 天符為執法象 輔相邪中之也 奈何其病速而危 執法官人之繩準 自為邪僻 故病速而危也 乙酉乙卯年北政之 歲歲當陰在寸脉 而反見於尺 歲當陽在尺脉 而反見於寸 尺寸俱乃謂反者 死若尺獨然 或寸獨然 是謂不應氣 非反也

初之氣 凡起乙酉乙卯年初之氣 自甲申年大

寒中氣 日巳時初之一刻 交入乙酉年初之氣 分

凡起乙卯年初之氣自甲寅年大寒中氣日
夕時初之一刻交入乙卯年初之氣分准此又終六十日而
餘八十七刻半至春分前六十日而有奇 自斗
建丑至卯正之中木之位風之分也初之氣也
天度至此風氣乃行天地神明號令之始也天之
使也天氣加臨 歲太陰居之為風雨凝陰不散
初之氣地氣遷陰始凝氣始肅水迺冰寒羽化其
病中熱脹面目浮腫善眠軌衄嚏欠嘔小便黃赤
甚則淋太陰之化 歲太陰所在其脉沈沈下也
按之迺得下諸位脉也沈甚則病不沈亦病不當
其位亦病位不能沈亦病

運氣下

二十八

五十四

木位之主 其寫以酸 其補以辛 太陰之客
以甘補之 以苦寫之 以甘緩之 金運以苦
和之

二之氣

春分中氣日卯時之中四刻交入二之

氣分終六十日而餘八十七刻半至小滿前六十
日而有奇 自斗建卯正至巳之中二之氣君之
位謂少陰熱之分也 天度至此暄淑大行居熱
之分不行炎暑君之德也 歲少陽居之為僭逆
大熱時行疫癘乃生 二陰之氣陽迺布民迺舒
物迺生榮癘疾大至民善暴死臣居君位故爾

歲少陽所在其脉大而浮浮高也大謂稍大諸位脉也大浮甚則病浮而不大亦病大而不浮亦病不大不浮亦病不當其位亦病位不能大浮亦病火位之主 其寫以甘 其補以酸 少陽之客以酸補之 以甘寫之 以酸奠之 金運以苦和之

三之氣 小滿中氣日寅時初之一刻交入三之氣分終六十日而餘八十七刻半至大暑前六十日而有奇 自斗建巳正至未之中三之氣分相火之位也夏至前後各三十日也少陽之分也

運氣下

二十九

尚

天度至此炎熱大行 歲陽明居之涼氣間發三之氣天政布涼迺行燥熱交合燥極而澤民病寒熱寒熱瘧也 陽明所在其脉短而濇往來不利是謂濇也往來不遠是謂短也短甚則病濇甚則病不短不濇亦病不當其位亦病位不能短濇亦病 火位之主 其寫以甘 其補以酸 陽明之客 以酸補之 以辛寫之 以苦泄之 金運以苦和之

四之氣 大暑中氣日子時之中四刻交入四之氣分終六十日而餘八十七刻半至秋分前六十

日而有奇 自斗建未正至酉之中土氣治之雨之分也 天度至此雲雨大行濕蒸乃作

歲太陽居之為寒雨害物 四之氣寒雨降病暴

仆振慄譫妄少氣益乾引飲及為心痛癱腫瘡瘍

瘧寒之疾瘦血骨便骨痿無力 歲太陽所在其脉

大而長往來遠是謂長大甚則病長甚則病長而

不大亦病大而不長亦病不當其位亦病位不能

長大亦病 土位之主 其寫以苦 其補以甘

太陽之客 以苦補之 以鹹寫之 以苦堅之

以辛潤之 金運以苦和之

運氣集下

三十

五之氣

秋分中氣日亥時初之一刻交入五之

氣分終六十日而餘八十七刻半至小雪前六十

日而有奇 自斗建酉正至亥之中五之氣分金

氣治之燥之分也 天度至此萬物皆燥 歲厥

陰居之為涼風大行雨生介蟲 五之氣春令反

行草迺生榮民氣和 厥陰所在其脉弦實虛而

滑端直以長是謂弦實而強則病不實而微亦病

不當其位亦病位不能弦亦病 金位之主

其寫以辛 其補以酸 太陰之客 以辛補之

以酸寫之 以甘緩之 金運以苦和之

六之氣

小雪中氣日酉時之中四刻交入六之氣分終六十日而餘八十七刻半至大寒前六十日而有奇 自斗建亥正至丑之中終盡六之氣水氣治之寒之分也 天度至此寒氣大行

歲少陰司地居之則蟄蟲出見流水不冰 終之氣陽布候反濕熱蟲來見流水不冰民迺康平其病溫君火之化也 少陰所在其脈鉤來盛去衰

如偃帶鉤是謂鉤來不盛去反盛則病來盛去盛亦病來不盛去不盛亦病不偃帶鉤亦病不當其位亦病位不能鉤亦病 水位之主 其寫以鹹

運氣一

三十一

其補以苦 少陰之客 以鹹補之 以甘寫之 以鹹收之 金運以苦和之

丙戌歲 天符

丙辰歲 天符

上太陽水 中太羽水運 下太陰土 其化上

苦熱 中鹹溫 下甘熱所謂歲主藥食宜也

寒化六 雨化五 正化度也 其運寒 其化

疑慘慄冽其變冰雪霜雹 其病大寒留於谿谷

太羽終 太角初 少徵 太宮 少商

丙戌丙辰歲丙水運上太陽亦屬水故曰天符天符為執法象輔相邪中之也奈何其病速而危執

法官人之繩準自為邪僻故其病速而危 丙戌
丙辰年比政之歲歲當陰在左脉而反見於右歲
當陽在右脉而反見於左左右交見是謂交者死
若左獨然或右獨然是謂不應氣非交也

初之氣

凡起丙戌丙辰年初之氣自乙酉年大

寒中氣日申時初之一刻交入丙戌年初之氣分

凡起丙辰年初之氣自乙卯年大寒中氣日
寅時初之一刻交入丙辰年初之氣分准此各終六十日而餘

八十七刻半至春分前六十日而有奇 自斗建

丑至卯正之中木之位風之分也初之氣也

天度至此風氣乃行天地神明號令之始也天之

運氣下

三二二

使也天氣加臨 歲少陽居之為溫疫至 初之

氣地氣遷氣迺大溫畏火致之草迺早榮民迺癘

溫病迺作身熱頭痛嘔吐肌腠瘡瘍赤斑也是為

膚腠在皮內也 少陽所在其脉大而浮浮高也

大謂稍大諸位脉也大浮甚則病浮而不大亦病

大而不浮亦病不大不浮亦病不當其位亦病位

不能大浮亦病 木位之主 其寫以酸

其補以辛 少陽之客 以鹹補之 以甘寫之

以鹹寫之 水運以鹹溫和之

二之氣

春分中氣日午時之中四刻交入二之

氣分終六十日而餘八十七刻半至小滿前六十日而有奇 自斗建卯正至巳之中二之氣君之位謂少陰熱之分也 天度至此暄淑大行居熱之分不行炎暑君之德也 歲陽明居之為溫涼不時 二之氣大涼反至民迺慘草迺遇寒火氣遂抑民病氣鬱中滿寒迺始自涼而又之於寒氣故寒氣始來近人也 陽明所在其脉短而瀯往來不遠是謂短也短甚則病瀯甚則病不短不瀯亦病不當其位亦病位不能短瀯亦病

運氣下

三十三

身

火位之主 其寫以甘 其補以醎 陽明之客以酸補之 以辛寫之 以苦泄之 水運以醎溫和之



小滿中氣日巳時初之一刻交入三之

氣分終六十日而餘八十七刻半至大暑前六十日而有奇 自斗建巳正至未之中三之氣分相火之位也夏至前後各三十日少陽之分火之位也 天度至此炎熱大行 歲太陽居之為寒氣間至熱爭冰雹 三之氣天政布寒氣行雨迺降民病寒反熱中癰疽注下心熱瞽悶不治者死當寒反熱是反天常熱起於心則神之危極不急扶

救神必消亡故治者生不治者死 太陽所在其
脉大而長往來遠是謂長大甚則病長甚則病長
而不大亦病大而不長亦病不當其位亦病位不
能長大亦病 火位之主 其寫以甘 其補以醎
太陽之客 以苦補之 以醎寫之 以苦堅之
以辛潤之 水運以醎溫和之

四之氣

大暑中氣日昃時之中四刻交入四之
氣分終六十日而餘八十七刻半至秋分前六十
日而有奇 自斗建未正至酉之中土氣治之雨
之分也 天度至此雲雨大行濕蒸乃作 歲歌

運氣下

三十四

古

陰居之為暴風雨摧拉雨生倮蟲 四之氣風濕
交爭風化為雨迺長迺化迺成民病大熱少氣肌
肉萎足痿注下赤白 厥陰所在其脉弦栗虛而
滑端直以長是謂弦實而強則病不實而微亦病
不端直長亦病不當其位亦病位不能弦亦病
土位之主 其寫以苦 其補以甘 厥陰之客
以辛補之 以酸寫之 以苦緩之 水運以醎
溫和之

五之氣

秋分中氣日寅時初之一刻交入五之
氣分終六十日而餘八十七刻半至秋分前六十

日而有奇 自斗建酉正至亥之中五之氣 金
氣治之燥之分也 天度至此萬物皆燥 歲少
陰居之為秋濕熱病時行 五之氣陽復化草廼
長廼化廼成民廼舒大火臨御故萬物舒榮
少陰所在其脉鉤來盛去衰如偃帶鉤是謂鉤來
不盛去反盛則病來盛去盛亦病來不盛去不盛
亦病不偃帶鉤亦病不當其位亦病位不能鉤亦病
金位之主 其寫以辛 其補以酸 少陰之客
以醎補之 以甘寫之 以醎收之 水運以醎
溫和之

運氣下

三十五

李

六之氣

小雪中氣日子時之中四刻交入六之
氣分終六十日而餘八十七刻半至大寒前六十
日而有奇 自斗建亥正至丑之中終盡六之氣
水氣治之寒之分也 天度至此寒氣大行

歲太陰司地居之為凝陰寒雪地氣濕也 終之
氣地氣正濕令行陰凝太虛埃昏郊野民廼慘悽
寒風以至反者孕廼死故歲宜苦以燥之溫之必
折其鬱鬱氣先資其化源化源為九月迎而取之以
補心火 太陰所在其脉沈沈下也按之乃得下諸
位脉也沈甚則痛不沈亦病不當其位亦病位不

能沈亦病 水位之主 其寫以醎 其補以苦
太陰之客 以甘補之 以苦寫之 以甘緩之
水運以醎溫和之

丁亥歲 天符 丁巳歲 天符

上厥陰木 中少角木運 下少陽相火

其化上辛涼 中辛和 下酸寒所謂歲主藥食

宜也 清化 熱化勝復同 邪氣化度也

災三宮 風化三 火化七 正化度也 清化

勝復同 正角 其運風涼熱

少角初正 太徵 少宮 太商 少羽終

運氣下

三十一

李

丁亥丁巳丁木運上厥陰亦屬木故曰天符天符
為執法象輔相邪中之也奈何其病速而危執法
官人之繩准自為邪僻故病速而危 丁亥丁巳
年比政之歲歲當陰在左脉而反見於右歲當陽
在右脉而反見於左左右交見是謂交者死若左獨
然或右獨然是謂不應氣非交也

初之氣 凡起丁亥丁巳年初之氣自丙戌年大

寒中氣日亥時初之一刻交入丁亥年初之氣分

凡起丁巳年初之氣自丙辰年大寒中氣日
巳時初之一刻交入丁巳年初之氣分准此各終六十日而餘

八十七刻半至春分前六十日而有奇 自斗建

丑至卯正之中木之位風之分也初之氣也

天度至此風氣乃行天地神明號令之始也天之

使也天氣加臨 歲陽明居之為清風霧露朦昧

初之氣寒始肅殺氣方至民病寒於右之下

陽明所在其脉短而濇往來不利是謂濇也往來

不遠是謂短也短甚則病濇甚則病不短不濇亦

病不當其位亦病位不能短濇亦病 木位之主

其寫以酸 其補以辛 陽明之客 以酸補之

以辛寫之 以苦泄之 木運以辛和之

二之氣 春分中氣日酉時之中四刻交入二之氣

六運氣下

三十七

分終六十日而餘八十七刻半至小滿前六十日

而有奇 自斗建卯正至巳之中二之氣君之位

謂少陰熱之分也 天度至此暄淑大行居熱之

分不行炎暑君之德也 歲太陽居之為風切冽

霜雪水冰 二之氣寒不去華雪水冰殺氣施化

霜迺降名草上焦寒雨數至陽復化民病熱於中

太陽所在其脉大而長往來遠是謂長大甚則病

長甚則病長而不大亦病大而長亦病不長亦病

不當其位亦病位不能長大亦病 火位之主

其寫以甘 其補以醎 太陽之客 以苦補之

以鹹寫之 以苦堅之 以辛潤之 木運以辛和之

三之氣 小滿中氣日申時初之一刻交入三之氣分終六十日而餘八十七刻半至大暑前六十日而有奇 自斗建巳正至未之中三之氣分相火之位也 天度至此炎熱大行 歲厥陰居之為風熱大行兩化羽蟲 三之氣天政布風迺時舉民病泣出耳鳴掉眩 歲厥陰所在其脉弦實虛而滑端直以長是謂弦實而微亦病不端直長亦病不當其位亦病位不能弦亦病 火位之主

運氣下

三十八

金

其寫以甘 其補以鹹 厥陰之客 以辛補之 以酸寫之 以甘緩之 木運以辛和之

四之氣 大暑中氣日午時之中四刻交入四之氣分終六十日而餘八十七刻半至秋分前六十日而有奇 自斗建未正至酉之中土氣治之雨之分也 天度至此雲雨大行濕蒸乃作 歲少陰居之為寒熱氣反用山澤浮雲暴雨溽蒸 四之氣溽暑濕熱相薄爭於左之上民病黃癰而為胛腫 少陰所在其脉鉤來盛去衰如偃帶鉤是謂鉤來不盛去反盛則病來盛去盛亦病來不

盛去不盛亦病不偃帶鉤亦病不當其位亦病位不能鉤亦病

其補以甘 少陰之客 以鹹補之 其寫以苦 以鹹收之 木運以辛和之

五之氣

秋分中氣日巳時初之一刻交入五之氣分終六十日而有奇 自斗建酉正至亥之中

五之氣分金氣治之燥之分也 天度至此萬物皆燥 歲太陰居之為時雨沈陰 五之氣燥濕

更勝沈陰迺布寒氣及體風雨迺行 歲太陰所在其脉沈沈下也按之乃得下諸位脉也沈甚則病

運氣下

二十九

余氏

不沈亦病不當其位亦病位不能沈亦病

金位之主 其寫以甘 其補以鹹 太陰之客 以甘補之 以苦寫之 以甘緩之 木運以辛

和之

六之氣

小雪中氣日卯時之中四刻交入六之氣分終六十日而餘八十七刻半至大寒前六十日

日而有奇 自斗建亥正至丑之中終盡六之氣水氣治之寒之分也 天度至此寒氣大行

歲少陽司地居之為冬溫蟄蟲不藏流水不冰 終之氣畏火司令陽迺大化蟄蟲出見流水不水

地氣大發草廼生人廼舒其病溫癘必折其鬱氣
資其化源四月迎而取之 歲少陽所在其脈大
而浮浮高也大謂稍大諸位脈也大浮甚則病浮
而不太亦病大而不浮亦病不大不浮亦病不當
其位亦病位不能大浮亦病 水位之主

其寫以醎 其補以苦 少陽之客 以醎補之
以甘寫之 以醎更之 木運以辛和之

戊子歲 天符

戊午歲 太一天符

上少陰火 中太徵火運 下陽明金 其化上
醎寒 中甘寒 下酸溫所謂歲主藥食宜也

運氣下

四一

庚

熱化七 清化九 正化度也 其運炎暑

其化暄曜鬱燠 其變炎烈沸騰 其病上熱血

溢 太徵 少宮 太商 少羽 終 少角 初

戊子歲戊運火上少陰亦屬火故曰天符天符為
執法象輔相邪中之也奈何其病速而危執法官
人之繩准自為邪僻故病速而危也 戊午歲命

曰太一天符之會也一者天會二者歲會三者運
會太一天符為貴人邪中之也奈何其病暴而死
義無凌犯故病則暴而死 戊子戊午年北政之
歲歲當陰在尺而反見於寸歲當陽在寸脈而反

見於尺尺寸俱乃謂反者死若尺獨然或寸獨然是謂不應氣非反也

初之氣

凡起戊子戊午年初之氣自丁亥年大

寒中氣日寅時初之一刻交入戊子年初之氣分

凡起戊午歲初之氣自丁巳年大寒中氣日申時初之一刻交入戊午年初之氣分此各終六十日而餘

八十七刻半至春分前六十日而有奇 自斗建

丑至卯正之中木之位風之分也初之氣也

天度至此風氣乃行天地神明號令之始也天之

使也天氣加臨 太陽居之為寒風切列霜雪水

冰 初之氣地氣遷燥將去寒廼始蟄復藏水廼

運氣下

四十一

六

冰霜復降風廼陽氣鬱民反周密關節禁固腰脰

痛炎暑將起中外瘡瘍 太陽所在其脉大而長

往來遠是謂長大甚則病長其甚則病長而不大亦

病大而長亦病不當其位亦病位不能大長亦病

木位之主 其寫以酸 其補以辛 太陽之客

以苦補之 以鹹寫之 以苦堅之 以辛潤之

火運以甘寒和之

二之氣

春分中氣日子時之中四刻交入二之

氣分終六十日而餘八十七刻半至小滿前六十

日而有奇 自斗建卯正至巳之中二之氣君之

位謂少陰熱之分也 天度至此暄淑大行居熱
之分不行炎暑君之德也 歲厥陰居之為風濕
兩化羽蟲 二之氣陽氣布風廼行春氣以正萬
物應榮寒氣時至民廼和其病淋目瞑目赤氣鬱
於上而熱 歲厥陰所在其脉弦栗虛而滑端直
以長是謂弦實而強則病不實而微亦病不端直
長亦病不當其位亦病位不能弦亦病
火位之主 其寫以甘 其補以酸 厥陰之客
以辛補之 以酸寫之 以甘緩之 火運以甘
寒和之

運氣下

四二二

三之氣

小滿中氣日亥時初之一刻交入三之
氣分終六十日而餘八十七刻半至大暑前六十
日而有奇 自斗建巳正至未之中三之氣分相
火之位也夏至前後各三十日也少陽之分火之
位也 天度至此炎熱大行 歲少陰居之大暑
亢民病熱 三之氣天政布大火行庶類蕃鮮寒
氣時至民病氣癘心痛寒熱更作欬喘目赤
歲少陰所在其脉鉤來盛去衰如偃帶鉤是謂鉤
來不盛去反盛則病來盛去盛亦病來不盛去不
盛亦病不偃帶鉤亦病不當其位亦病位不能鉤

亦病 火位之主 其寫以甘 其補以醜
少陰之客 以醜補之 以甘寫之 以醜收之
火運以甘寒和之

四之氣 大暑中氣日酉時之中四刻交入四之
氣分終六十日而餘八十七刻半至秋分前六十
日而有奇 自斗建未正至酉之中土氣治之雨
之分也 天度至此雲雨大行濕蒸乃作 歲太
陰居之為雨露霽 四之氣溽暑至大雨時行寒
熱手至民病寒熱益乾黃瘠飢飢飲發 太陰所
在其脉沈沈下也按之乃得下諸位脉也沈甚則

運氣下

四十三

施

病不沈亦病不當其位亦病位不能沈亦病
土位之主 其寫以苦 其補以甘 太陰之客
以甘補之 以苦寫之 以甘緩之 火運以甘
寒和之

五之氣 秋分中氣日申時初之一刻交入五之
氣分終六十日而餘八十七刻半至小雪前六十
日而有奇 自斗建酉正至亥之中五之氣分金
氣治之燥之分也 天度至此萬物皆燥 歲少
陽居之為溫清更政萬物乃榮 五之氣畏火臨
暑者反至陽迺化萬物迺生迺長榮民迺康其病溫

少陽所在其脉大而浮浮高也大謂稍大諸位脉也大浮甚則病浮而不大亦病大而不浮亦病不大不浮亦病不當其位亦病位不能大浮亦病不金位之主 其寫以辛 其補以酸 少陽之客以醎補之 以甘寫之 以醎栗之 火運以甘寒和之

六之氣

小雪中氣日午時之中四刻交入六之氣分終六十日而餘八十七刻半至大寒前六十日而有奇 自斗建亥正至丑之中終盡六之氣水氣治之寒之分也 天度至此寒氣大行

運氣下

四一四

元

歲陽明司地居之為燥寒勁切 終之氣燥令行餘火內格病腫於上飲喘甚則血溢寒氣數舉則霧朦醫病生皮膚內舍於脇下連少腹而作寒中地將易也氣終則遷何可長也 歲陽明所在其脉短而瀆往來不利是謂瀆也往來不遠是謂短也短甚則病瀆甚則病不短不瀆亦病不當其位亦病位不能短瀆亦病 水位之主 其寫以醎其補以苦 陽明之客 以酸補之 以辛寫之以苦泄之 火運以甘寒和之

己丑歲 太一天符

己未 太一天符

上太陰土 中少宮土運 下太陽水 其化上

苦熱 中甘和 下甘熱所謂歲主藥食宜也

風化 清化勝復同 邪氣化度也 災五宮

雨化五 寒化一 正化度也 風清勝復同

正宮 其運雨風涼

少宮 太商 少羽終 少角初 太徵

己丑己未命曰太一天符之會一者天會二者歲

會三者運會太一天符為貴人邪中也奈何其病

暴死而義無凌犯故病暴而死也 己丑己未年

南政之歲歲當陰在左脉而反見於右歲當陽在

運氣下

四一五

周

右脉而反見於左左右交見是謂交者死若左獨

然或右獨然是謂不應氣非交也

初之氣 凡起己丑己未年初之氣自戊子年大

寒中氣日巳時初之一刻交入己丑年初之氣分

凡起己未年初之氣自戊午年大寒中氣日亥時初之一刻交入己未年初之氣分准此 各終六十日而

餘八十七刻半至春分前六十日而有奇 自斗

建丑至卯正之中木之位風之分也初之氣也

天度至此風氣乃行天地神明號令之始也天之

使也天氣加臨 厥陰居之為大風發榮雨生毛

蟲 初之氣地氣遷寒迺去春氣正風乃來生布

萬物以榮民氣條舒風濕相薄雨迺後民病血溢筋絡拘強關節不利身重筋痠厥陰所在其脉弦奕虛而滑端直以長是謂弦實而強則病不實而微亦病不端直長亦病不當其位亦病位不能弦亦病 木位之主 其寫以酸 其補以辛 厥陰之客 以辛補之 以酸寫之 以甘緩之 土運以甘和之

二之氣

春分中氣日卯時之中四刻交入二之氣分終六十日而餘八十七刻半至小滿前六十日而有奇 自斗建卯正至巳之中二之氣君之

運氣下

四十六

周

位謂少陰熱之分也 天度至此暄淑大行居熱之分不行炎暑君之德也 歲少陰居之為天下疵疫以得其位君令宣行故也 二之氣大火正物承化民迺和其病温厲大行遠近咸若濕蒸相薄雨迺時降應順天常不愆時候故謂之時雨少陰所在其脉鉤來盛去衰如偃帶鉤是謂鉤來不盛去反盛則病來盛去盛亦病來不盛去不盛亦病不偃帶鉤亦病不當其位亦病位不能鉤亦病火位之主 其寫以甘 其補以酸 少陰之客 以酸補之 以甘寫之 以酸收之 土運以甘

和之

三之氣

小滿中氣日寅時初之一刻交入三之氣分終六十日而餘八十七刻半至大暑前六十日而有奇 自斗建巳正至未之中三之氣分相火之位也夏至前後各三十日也少陽之分火之位也 天度至此炎熱大行太陰居之為雲雨雷雹 三之氣天政布濕氣降地氣騰雨迺時降寒迺隨之感於寒濕則民病身重肘腫胷滿 歲太陰所在其脉沈沈下也按之乃得下諸位脉也沈甚則病不沈亦病不當其位亦病位不能沈

通氣下

四十七

刺

亦病

火位之主

其寫以甘

其補以鹹

太陰之客

以甘補之

以苦寫之

以甘緩之

土運以甘和之

四之氣

大暑中氣日子時之中四刻交入四之氣分終六十日而餘八十七刻半至秋分前六十日而有奇 自斗建未正至酉之中土氣治之雨之分也 天度至此雲雨大行濕蒸乃作 少陽居之為炎熱沸騰 四之氣畏火臨滯蒸化地氣騰天氣否隔 寒風曉暮蒸熱相薄草木凝煙濕化不流則白露陰布以成 秋令萬物得之以成民病腠理熱血暴溢瘧心腹滿熱臚脹

其甚則肘腫 少陽所在其脉大而浮浮高也大謂
稍大諸位脉也大浮甚則病浮而不大亦病大而
不浮亦病不大不浮亦病不當其位亦病位不能
大浮亦病 土位之主 其寫以苦 其補以甘
少陽之客 以鹹補之 以甘寫之 以鹹奠之
土運以甘和之

五之氣

秋分中氣日亥時初之一刻交入五之
氣分終六十日而餘八十七刻半至小雪前六十
日而有奇 自斗建酉正至亥之中五之氣分金
氣治之燥之分也 天度至此萬物皆燥 歲陽

運氣下

四十八

正

明居之為大涼燥疾 五之氣慘今已行寒露下
霜迺早降草木黃落寒氣及體君子周密民病皮
腠 陽明所在其脉短而濇往來不利是謂濇也
往來不遠是謂短也短甚則病濇甚則病不短不
濇亦病不當其位亦病位不能短濇亦病
金位之主 其寫以辛 其補以酸 陽明之客
以酸補之 以辛寫之 以苦泔之 土運以甘
和之

六之氣

小雪中氣日酉時之中四刻交入六之
氣分終六十日而餘八十七刻半至大寒前六十

日而有奇 自斗建亥正至丑之中終盡六之氣
水氣治之寒之分也 天度至此寒氣大行

歲陽明司地居之為大寒凝冽 終之氣寒大舉
濕大化霜迺積陰迺凝水堅冰陽光不治感於寒

則病人關節禁固腰膝痛寒溫持於氣交而為病
也必折鬱氣取化源九月化源迎而取之以補益

也 太陽所在其脉大而長往來遠是謂長大甚
則病長甚則病長而不大亦病大而不長亦病不

當其位亦病位不能長大亦病 水位之主
其寫以鹹 其補以苦 太陽之客 以苦補之

以鹹寫之 以苦堅之 土運以甘和之
運氣下 四九 五

庚寅歲 庚申歲 同正商
上少陽相火 中太商金運 下厥陰木

其化上鹹寒 中辛溫 下辛涼所謂歲主藥食
宜也 火化七 清化九 風化三 正化度也

其運涼 其化霧露清切 其變肅殺凋零
其病肩背胷中

太商 少羽終 少角初 太徵 少宮
庚寅庚申年北政之歲歲當陰在右脉而反見於

左歲當陽在左脉而反見於右左右交見是謂交

者死若左獨然或右獨然是謂不應氣非交也

初之氣

凡起庚寅庚申年年初之氣自巳丑年大

寒中氣日申時初之一刻交入庚寅年年初之氣分

凡起庚申年年初之氣自巳未年大寒中氣日寅時初之一刻交入庚申年年初之氣分准此各終六十日而

餘八十七刻半至春分前六十日而有奇

自斗建丑至卯正之中木之位風之分也初之氣

也 天度至此風氣乃行天地神明號令之始也

天之使也天氣加臨 歲少陰居之為熱風傷人

時氣流行 初之氣地氣遷風勝迺搖寒迺去候

迺大溫草木早榮寒來不殺溫病迺起其病氣怫

運氣下

五十

李昌

於上血溢目赤欬逆頭痛血崩脇滿膚腠中瘡

歲少陰所在其脉鉤來盛去衰如偃帶鉤是謂鉤

來不盛去反盛則病來盛去盛亦病來不盛去不

盛亦病不偃帶鉤亦病不當其位亦病位不能鉤

亦病 木位之主 其寫以酸 其補以辛

少陰之客 以醎補之 以甘寫之 以醎收之

金運以辛溫和之

二之氣

春分中氣日午時之中四刻交入二之

氣分終六十日而餘八十七刻半至小滿前六十

日而有奇 自斗建卯正至巳之中二之氣君之

位謂少陰熱之分也 天度至此暄淑大行居熱
之分不行炎暑君之德也 歲太陰居之為時雨
二之氣火反鬱入陰分故爾白埃四起雲趨雨府
風不勝濕雨迺零民迺康其病熱鬱於上咳嗽嘔
吐瘡發於中腎隘不利頭痛身熱昏憤膿瘡
歲太陰所在其脈沈沈下也按之乃得下諸位脈
也沈甚則病不沈亦病不當其位亦病位不能沈
亦病 火位之主 其寫以甘 其補以酸
太陰之客 以甘補之 以苦寫之 以甘緩之
金運以辛溫和之

小滿中氣日巳時初之一刻交入三之
氣分終六十日而餘八十七刻半至大暑前六十
日而骨竒 自斗建巳正至未之中三之氣分相
火之位也夏至前後各三十日少陽之分火之位
也 天度至此炎熱大行 少陽居之為暴熱至
苴萎河乾炎亢濕化晚布 三之氣天政布炎暑
至少陽臨上雨迺涯民病熱中聾聵血溢膿瘡欬
嘔衄衄嚏欠痺目赤善暴死 歲少陰所在其脈
大而浮浮高也大謂稍大諸位脈也大浮甚則病
浮而不大亦病大而不浮亦病不大不浮亦病不

富其位亦病位不能大浮亦病 火位之主

其寫以甘 其補以鹹 少陽之客 以鹹補之

以甘寫之 以鹹奠之 金運以辛溫和之

四之氣 大暑中氣日卯時之中四刻交入四之

氣分終六十日而餘八十七刻半至秋分前六十

日而有奇 自斗建未正至酉之中土氣治之雨

之分也 天度至此雲雨大行濕蒸乃作 歲陽

明居之為清雨霧露 四之氣涼迺至炎暑間化

白露降民氣和平其病則滿身重 歲陽明所在

其脉短而瀆往來不利是謂瀆也往來不遠是謂

短也短甚則病瀆甚則病不短不瀆亦病不當其

位亦病位不能短瀆亦病

土位之主 其寫以苦 其補以甘 陽明之客

以酸補之 以辛寫之 以苦泄之 金運以辛

溫和之

五之氣 秋分中氣日寅時初之一刻交入五之

氣分終六十日餘八十七刻半至小雪前六十日

而有奇 自斗建酉正至亥之中五之氣分金氣

治之燥之分也 天度至此萬物皆燥 歲太陽

居之為早寒 五之氣陽迺去寒迺來雨迺降氣

運氣一

五二

庚

門迺閉剛木早凋民避寒邪君子周密 歲太陽
所在其脉大而長往來遠是謂長大甚則病長甚
則病長而不大亦病大而不長亦病不當其位亦
病位不能長大亦病 金位之主 其寫以辛
其補以醜 太陽之客 以苦補之 以醜寫之
以苦堅之 以辛潤之 金運以辛溫和之

六之氣

小雪中氣日子時之中四刻交入六之
氣分終六十日而餘八十七刻半至大寒前六十
日而有奇 自斗建亥正至丑之中終盡六之氣
水氣治之寒之分也 天度至此寒氣大行

運氣下

五三

孫右

歲厥陰司地居之為寒風飄揚雨生鱗蟲 終之
氣地氣正風迺生萬物反生矇霧以行其病閉閉
不禁心痛陽氣不藏而欬逆抑其運氣贊於所不
勝必折其鬱氣先取化源化源年之前十二月迎
而取之以補益也 歲厥陰所在其脉弦實虛而
滑端直以長是謂弦實而強則病不實而微亦病
不端直長亦病不當其位亦病位不能弦亦病
水位之主 其寫以醜 其補以苦 厥陰之客
以辛補之 以酸寫之 以甘緩之 金運以辛
溫和之

辛卯歲 少宮同

辛酉歲

上陽明金 中少羽水運 下少陰火 其化上

苦小溫 中苦和 下醎寒所謂歲主藥食宜也

雨化五 風化勝復同 邪氣化度也 災一宮

清化九 寒化一 熱化七 正化度也 雨化

勝復同 其運寒風雨

少羽終 少角初 太徵 少宮 太商

辛卯辛酉年北政之歲歲當陰在寸脉而反見於尺歲當陽在尺脉而反見於寸尺寸俱乃謂反者死若尺獨然或寸獨然是謂不應氣非反也

運氣下

五十四

孫希

初之氣 凡起辛卯辛酉年初之氣自庚寅年大

寒中氣曰亥時初之一刻交入辛卯初之氣分起

辛酉年初之氣自庚申年大寒中氣曰巳時初之一刻交入辛酉年初之氣准此 各終六十日而餘

八十七刻半至春分前六十日而有奇 自斗建

丑至卯正之中木之位風之分也初之氣也

天度至此風氣廼行天地神明號令之始也天之

使也天氣加臨 歲太陰居之為風雨凝陰不散

初之氣地氣遷陰始凝氣始肅水廼冰寒雨化其

病中熱脹面目浮腫善眠欬衄嚏欠嘔小便黃赤

甚則淋太陰之化 歲太陰所在其脉沈沈下也

按之乃得下諸位脉也沈甚則病不沈亦病不當其位亦病位不能沈亦病

其寫以酸 其補以辛 太陰之客 以甘補之 以苦寫之 以甘緩之 水運以苦和之

二之氣

春分中氣日酉時之中四刻交入二之

氣分終六十日而餘八十七刻半至小滿前六十日而有奇 自斗建卯正至巳之中二之氣君之位謂少陰熱之分也 天度至此暄淑大行居熱之分不行炎暑君之德也 歲少陽居之為僭造大熱時行疫癘乃生 二陰之氣陽迺布民迺舒

運氣下

五十五

事

物迺生榮癘疾大至民善暴死臣居君位故爾

歲少陽所在其脉大而浮浮高也大謂稍大諸位脉也大浮甚則病浮而不大亦病大而不浮亦病不大不浮亦病不當其位亦病位不能大浮亦病火位之主 其寫以甘 其補以酸 少陽之客 以酸補之 以甘寫之 以酸熨之 水運以苦和之

三之氣

小滿中氣日申時初之一刻交入三之

氣分終六十日而餘八十七刻半至大暑前六十日而有奇 自斗建巳正至未之中三之氣分相

火之位也夏至前後各三十日也少陽之分也
天度至此炎熱大行 歲陽明居之涼氣間發
三之氣天政布涼迺行燥熱交合燥極而澤民病
寒熱寒熱瘧也 歲陽明所在其脉短而濇往來
不利是謂濇也往來不遠是謂短也短甚則病濇
甚則病不短不濇亦病不當其位亦病位不能短
濇亦病 火位之主 其寫以甘 其補以醎
陽明之客 以酸補之 以辛寫之 以苦泄之
水運以苦和之

四之氣

大暑中氣日午時之中四刻交入四之

運氣下

五十六

均

氣分終六十日而餘八十七刻半至秋分前六十
日而有奇 自斗建未正至酉之中土氣治之雨
之分也 天度至此雲雨大行濕蒸乃作 歲太
陽居之為寒雨害物 四之氣寒雨降病暴什振
慄譫妄少氣嗌乾引飲及為心痛癰腫瘡瘍瘧寒
疾骨痠血便骨痠無力也 歲太陽所在其脉大
而長往來遠是謂長大甚則病長甚則病長而不
大亦病大而不長亦病不當其位亦病位不能大
長亦病 土位之主 其寫以苦 其補以甘
太陽之客 以苦補之 以醎寫之 以苦堅之

以辛潤之 水運以苦和之

五之氣

秋分中氣日巳時初之一刻交入五之

氣分終六十日而餘八十七刻半至小雪前六十日而有奇 自斗建酉正至亥之中五之氣分金

氣治之燥之分也 天度至此萬物皆燥 歲厥

陰居之為涼風大行雨生介蟲 五之氣春令反

行草迺生榮民氣和 歲厥陰所在其脉弦栗虛

而滑端直以長是謂弦實而強則病不實而微亦

病不端直長亦病不當其位亦病位不能弦亦病

金位之主 其寫以辛 其補以酸 厥陰之客

運氣下

五十二

正

以辛補之 以酸寫之 以甘緩之 水運以苦

和之

六之氣

小雪中氣日卯時之中四刻交入六之

氣分終六十日而餘八十七刻半至大寒前六十

日而有奇 自斗建亥正至丑之中終盡六之氣

水氣治之寒之分也 天度至此寒氣大行

歲少陰司地居之則蟄蟲出見流水不冰 終之

氣陽氣布候反溫蟄蟲來見流水不冰民迺康平

其病溫君火之化也 少陰所在其脉鉤來盛去

衰如偃帶鉤是謂鉤來不盛去反盛則病來盛去

盛亦病來不盛去不盛亦病不偃帶鉤亦病不當其位亦病位不能鉤亦病

水位之主 其寫以鹹 其補以苦 少陰之客以鹹補之 以甘寫之 以鹹收之 水運以苦和之

壬辰歲

壬戌歲

上太陽水 中太角木運 下太陰土 其化上

苦溫 中酸和 下甘溫所謂歲主藥食宜也

寒化六 風化八 雨化五 正化度也 其運

風 其化鳴紊啓折 其變振拉摧拔 其病掉

運氣下

五二八

剋

眩目瞑

太角 初正 少徵 太宮 少商 太羽 終

壬辰壬戌年北政之歲歲當陰在左脉而反見於右歲當陽在右脉而反見於左左右交見是謂交者死若左獨然或右獨然是謂不應氣非交也

初之氣 凡起壬辰壬戌年初之氣自辛卯年大寒

中氣日寅時初之一刻交入壬辰年初之氣分起

壬戌年初之氣自辛酉年大寒中氣日申時初之一刻交入壬戌年初之氣分准此各終六十日而餘

八十七刻半至春分前六十日而有音 自斗建

丑至卯正之中木之位風之分也初之氣也

天度至此風氣乃行天地神明號令之始也天之使也天氣加臨 歲少陽居之為溫疫至

初之氣地氣遷氣迺大溫畏火致之草迺早榮民迺癘病溫迺作身熱頭痛嘔吐肌腠瘡瘍赤斑也是為膚腠中瘡在皮內也 少陽所在其脈大而浮浮高也大謂稍大諸位脈也大浮甚則病浮而不大亦病大而不浮亦病不大不浮亦病不當其位亦病位不能大浮亦病

木位之主 其寫以酸 其補以辛 少陽之客以醎補之 以甘寫之 以醎奠之 木運以酸

和之

運氣

五十九

全

二之氣

春分中氣日子時之中四刻交入二之

氣分終六十日而餘八十七刻半至小滿前六十

日而有奇 自斗建卯正至巳之中二之氣君之

位謂少陰熱之分也 天度至此暄淑大行居熱

之分不行暑炎君之德也 歲陽明居之為溫涼

不時 二之氣大涼反至民迺慘草迺遇寒火氣

遂抑民病氣鬱中滿寒迺始自涼而又之於寒故

寒始來近人也 歲陽明所在其脈短而瀉往來

不利是謂瀉也往來不遠是謂短也短甚則病瀉

甚則病不短不濇亦病不當其位亦病位不能短
濇亦病 火位之主 其寫以醎 其補以苦
陽明之客 以酸補之 以辛寫之 以苦泄之
木運以酸和之

三之氣 小滿中氣日亥時初之一刻交入三之
氣分終六十日而餘八十七刻半至大暑前六十
日而有奇 自斗建巳正至未之中三之氣分相
火之位也夏至前後各三十日少陽之分火之位
也 天度至此炎熱大行 歲太陽居之為寒氣
間至熱爭冰雹 三之氣天政布寒氣行雨廼降

六運集

六一

民病寒反熱中疸注下心熱瞽悶不治者死當寒
反熱是反天常熱起於心則神之危極不急扶救
神必消亡故治者生不治者死 太陽所在其脉
大而長往來遠是謂長大甚則病長甚則病長而
不大亦病大而長亦病不當其位亦病位不能
長大亦病 火位之主 其寫以甘 其補以醎
太陽之客 以苦補之 以醎寫之 以苦堅之
以辛潤之 木運以酸和之

四之氣 大暑中氣日酉時之中四刻交入四之
氣分終六十日而餘八十七刻半至秋分前六十

日而有奇 自斗建未正至酉之中土氣治之雨
之分也 天度至此雲雨大行濕蒸乃作 歲厥
陰居之為暴風摧拉雨生保蟲 四之氣風濕交
垂風化為雨迺長迺成民病大熱少氣肌肉
萎足痿注下赤白 厥陰所在其脉弦更虛而滑
端直以長是謂弦實而強則病不實而微亦病不
端直長亦病不當其位亦病位不能弦亦病
土位之主 其寫以苦 其補以甘 厥陰之客
以辛補之 以酸寫之 以甘緩之 木運以酸
和之

道氣下

六一

施

五之氣

秋分中氣日申時初之一刻交入五之

分終六十日而餘八十七刻半至小雪前六十日
而有奇 自斗建酉正至亥之中五之氣分金氣
治之燥之分也 天度至此萬物皆燥 歲少陰
居之為秋濕熱病時行 五之氣陽復化草迺長
迺化迺成民迺舒大火臨御故萬物舒榮 歲少
陰所在其脉鉤來盛去衰如偃帶鉤是謂鉤來不
盛去反盛則病來盛去盛亦病來不盛去不盛亦
病不偃帶鉤亦病不當其位亦病位不能鉤亦病
金位之主 其寫以辛 其補以酸 少陰之客

以醎補之 以甘寫之 以醎收之 木運以酸
和之

六之氣 小雪中氣日午時之中四刻交入六之

氣分終六十日而餘八十七刻半至大寒前六十

日而有奇 自斗建亥正至丑之中終盡六之氣

水氣治之寒之分也 天度至此寒氣大行

歲太陰司地居之為凝陰寒雪地氣濕也 終之

氣地氣正濕令行陰凝太虛埃昏郊野民廼慘悽

寒風以至反者孕迺死故歲宜苦以燥之溫之必

折其鬱氣先資其化源化源為九月迎而取之以

運氣下

六二

光

補其心火 太陰所在其脉沈沈下也按之乃得

下諸位脉也沈甚則病不沈亦病不當其位亦病

位不能沈亦病 水位之主 其寫以醎

其補以苦 太陰之客 以甘補之 以苦寫之

以甘緩之 木運以酸和之

癸巳歲

癸亥歲

上厥陰木 中少徵火運 下少陽相火

其化上辛涼 中醎和 下醎寒所謂歲主藥食

宜也 寒化一 雨化勝復同 邪氣化度也

火九宮 風化八 火化二 正化度也

寒雨勝復同 其運熱寒雨

少徵 太宮 少商 太羽 終 太角 初

癸巳癸亥年北政之歲歲當陰在左脉而反見於右歲當陽在右脉而反見於左左右交見是謂交者死若左獨然或右獨然是謂不應氣非交也

初之氣

凡起癸巳癸亥年初之氣自壬辰年大寒中氣日巳時初之一刻交入癸巳年初之氣分

凡起癸亥年初之氣自壬戌年大寒中氣日亥時初之一刻交入癸亥年初之氣分准此各終六十日而餘八十七刻半至春分前六十日而有奇

自斗建丑至卯正之中木之位風之分也初之氣

運氣下

五三

正前

也 天度至此風氣乃行天地神明號令之始

也 天之使也天氣加臨 歲陽明居之為清風霧

露朦昧 初之氣寒始肅殺氣方至民病寒於右

之下 歲陽明所在其脉短而瀆往來不利是謂

瀆也往來不遠是謂短也短甚則病瀆甚則病不

短不瀆亦病不當其位亦病位不能短瀆亦病

木位之主 其寫以酸 其補以辛 陽明之客

以酸補之 以辛寫之 以苦泄之 火運以鹹和之

二之氣

春分中氣日卯時之中四刻交入二之

氣分終六十日而餘八十七刻半至小滿前六十

日而有奇 自斗建卯正至巳之中二之氣君之位謂少陰熱之分也 天度至此暄淑大行居熱之分不行炎暑君之德也 歲太陽居之為寒風切冽霜雪水冰 二之氣寒不去華雪水冰殺氣施化霜迺降名草上焦寒雨數至陽復化民病熱於中 歲太陽所在其脉大而長往來遠是謂長大甚則病長甚則病長而不大亦病大而不長亦病不當其位亦病位不能長大亦病 火位之主其寫以甘 其補以酸 太陽之客 以苦補之以酸寫之 以苦堅之 以辛潤之 火運以酸和之

運氣一

六十四

江

三之氣

小滿中氣日寅時初之一刻交入三之氣分終六十日而餘八十七刻半至大暑前六十七日而有奇 自斗建巳正至未之中三之氣分相火之位也 天度至此炎熱大行 歲厥陰居之為風熱大行雨化羽蟲 三之氣天政布風迺時舉民病泣出耳鳴掉眩 歲厥陰所在其脉弦實虛而滑端直以長是謂弦實而強則病不實而微亦病不端直長亦病不當其位亦病位不能弦亦病火位之主 其寫以甘 其補以酸 厥陰之客

以辛補之 以酸寫之 以甘緩之 火運以醎和之

四之氣 大暑中氣日子時之中四刻交入四之氣分終六十日而餘八十七刻半至秋分前六十日而有奇 自斗建未正至酉之中土氣治之雨之分也 天度至此雲雨大行濕蒸乃作

歲少陰居之為寒熱氣反用山澤浮雲暴雨滄蒸四之氣溽暑濕熱相薄爭於左之上民病黃瘡而為胛腫 歲少陰所在其脈鉤來盛去衰如偃帶鉤是謂鉤來不盛去反盛則病來盛去盛亦病來

運氣下

六十五

卷之六

不盛去不盛亦病不偃帶鉤亦病不當其位亦病位不能鉤亦病 土位之主 其寫以苦

其補以甘 少陰之客 以醎補之 以甘寫之以醎收之 火運以醎和之

五之氣 秋分中氣日亥時初之一刻交入五之氣分終六十日而餘八十七刻半至小雪前六十日而有奇 自斗建酉正至亥之中五之氣分金氣治之燥之分也 天度至此萬物皆燥 歲太陰居之為時雨沈陰 五之氣燥濕更勝沈陰迺布寒氣及體風雨迺行 歲太陰所在其脈沈沈

下也按之乃得下諸位脉也沈甚則病不沈亦病不當其位亦病位不能沈亦病

其寫以辛 其補以酸 太陰之客 以甘補之

以苦寫之 以甘緩之 火運以醎和之

六之氣 小雪中氣日酉時之中四刻交入六之

氣分終六十日而餘八十七刻半至大寒前六十

日而有奇 自斗建亥正至丑之中終盡六之氣

水氣治之寒之分也 天度至此寒氣大行

歲少陽司地居之為冬溫蟄蟲不藏流水不冰

終之氣畏火司令陽迺大化蟄蟲出見流水不冰

運氣下

六十一

卷五

地氣大發草迺生人迺舒其病溫癘必折其鬱氣

資其化源四月迎而取之 歲少陽所在其脉大

而浮浮高也大謂稍大諸位脉也大浮甚則病浮

而不大亦病大而不浮亦病不大不浮亦病不當

其位亦病位不能大浮亦病

水位之主 其寫以醎 其補以苦 少陽之客

以醎補之 以甘寫之 以醎奠之 火運以醎

和之

六甲天元氣運鈐下



圖書在版編目(CIP)數據

六甲天元氣運鈐.—北京:北京圖書館出版社,2003.10
(中華再造善本)

ISBN 7-5013-2298-8

I.六… II. III.迷信術數—中國—古代 IV.B992

中國版本圖書館CIP數據核字(2003)第080012號

ISBN 7-5013-2298-8



9 787501 322985 >

書名 六甲天元氣運鈐(全三冊)

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail: Bstxbp@publicf.nlc.gov.cn
Website: www.nlcpress.com

印刷 金壇市古籍印刷廠

開本 八

印張 三六·五

版次 二〇〇三年十月第一版第一次印刷

印數 一—二〇〇

書號 ISBN 7-5013-2298-6 / K·663
定價 一—一七〇圓

